



"Međunarodni dan i noć knjige i autorskih prava" se po drugi put ove godine obilježava u Bosni i Hercegovini u petak 21. aprila 2017. godine.

U organizaciji Asocijacije informacijskih stručnjaka – bibliotekara, arhivista i muzeologa (BAM) okupilo se petnaest biblioteka i institucija kulture i obrazovanja, u želji da naprave zajednički program obilježavanja drugog „Međunarodnog dana i noći knjige i autorskih prava“

Ove godine u realizaciju manifestacije je uključeno 15 biblioteka iz 6 gradova Bosne i Hercegovine, deset biblioteka iz Sarajeva - Biblioteka Sarajeva, Gazi Husrev-begova biblioteka, Bošnjački institut – Fondacija Adila Zulfikarpašića, Komisija/Povjerenstvo za očuvanje nacionalnih spomenika, Zemaljski muzej BiH, Univerzitet u Sarajevu – Biblioteka Filozofskog fakulteta i Bibliotečko-informacioni centar Ekonomskog fakulteta, kao i školske biblioteke - Srednja škola primijenjenih umjetnosti, OŠ „Mula Mustafa Bašeskija“ i OŠ „Mirsad Prnjavorac“, zatim Opća biblioteka Maglaj, Biblioteka Žepče, Biblioteka Kakanj, Biblioteka Breza i Narodna biblioteka Mostar.

Posjetiocima različitih dobnih skupina nudimo bogat i raznolik sadržaj kroz druženje u biblioteci, izložbe, promocije knjiga, projekcije filmova, radionice, predstave, noćni sajam knjige, kao i program za djecu.

Predviđen je cjelodnevni program drugog „Međunarodnog dana i noći knjige i autorskih prava“ 21.4.2017., dok će Bibliotečko informacioni centar Ekonomskog fakulteta i Bošnjački institut – Fondacija Adila Zulfikarpašića produžiti obilježavanje do ponedjeljka 24.4.2017. Osim toga drugi dan obilježavanja se produžuje i u Narodnoj biblioteci u Mostaru, sa druženjem sa pjesnicima iz

Crne Gore u 19 sati 22.4.2017.

Program obilježavanja drugog Međunarodnog dana i noći knjige i autorskih prava možete pronaći na [linku](#) :

„Međunarodni dan i noć knjige i autorskih prava“ je manifestacija koja se obilježava uoči Svjetskoga dana knjige i autorskih prava, koji UNESCO obilježava od 1995. godine. Obilježavajući svjetski dan knjige i autorskih prava UNESCO želi svakoga, a posebno mlade, potaknuti na čitanje te promociju i zaštitu intelektualnog vlasništva. Cilj ove manifestacije je afirmacija čitanja knjige u njenom tradicionalnom i modernim oblicima.